



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CLXXIV. De jure concesso Præfecto Generali Ordinis Bethlehemitarum in
Indiis Occidentalibus convocandi vocales ad Capitulum Gener.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

Institutio prædicta motu proprio.

De munere, auctoritate ad Consiliarios.

Deputatur prima vice a Pontifice prædicti Consilarii, & a quibus deinceps eligendi statuitur.

tum, simulque attendentes salubri ejusdem Ordinis, illiusque Fratrum directioni, regularisque inibi disciplinae conservationi conducibile fore, si in dicto Ordine, ubi non ita pridem Assistentium generalium munera auctoritate Apostolica abolita, ac suppressa fuerunt Consilarii juxta morem in inclyto, quem profitemur, Fratrum Prædicatorum Ordine laudabiliter vigentem constituerentur, ac stabilirentur; Motu proprio, ac ex certa scientia, & matura deliberatione nostris, deque Apostolicæ potestatis plenitudine, in supradicto Ordine Fratrum Beatæ Mariæ de Monte Carmelo Consilium ad instar ipsius Ordinis Fratrum Prædicatorum, quod ex quinque Religiosis, morum gravitate, ac rerum usu præstantibus, & totidem diversis Nationibus, Italica scilicet, Germanica, Gallica, Hispanica, & Lusitana coalescere debeat, harum serie perpetuo institimus. Volentes, ut quinque Consilarii hujusmodi, ac eorum quilibet gaudeant titulo Socii, ac Secretariæ generalis primodicti Ordinis, cujus singulare, unique Religioso hæcenus demandari solitum officium ex nunc itidem perpetuo supprimimus, nec unquam Assistentium generalium nomine utantur, ipsis autem Consiliariis, sive Sociis, ac Secretariis generalibus unaquæque eorum respectivè Natio de victu, & vestitu, aliisque necessariis sumptibus honeste provideat, ita quod illi singulis mensibus provio, seu domestici sumptus procuratori, necnon Fratri, qui eis ab Epistolis erunt, impensas persolvere teneantur.

§. 2. Porro iidem Consilarii, sive Socii, ac Secretarii generales voce activa, & passiva in Capitulis Generalibus prædicti Ordinis gaudeant, sintque discreti nati Conventuum Sanctæ Mariæ Transpontinæ, & Sancti Martini ad Montes nuncupatorum de Urbe ejusdem Ordinis cum voto consultivo, non vero decisivo, præterquam quoad ea, quæ Decreta Romanorum Pontificum immutationes Constitutionum dicti Ordinis, ac Statuta illius Capitulorum Generalium spectant, in quibus semper habebunt votum decisivum, Officium suum saltem per triennium exerceant, quo elapso, libere a Priore Generali ipsius Ordinis pro tempore existente amoveri possint, re tamen prius cum Protectore ipsius Ordinis communicata, in omnibus eidem Priori Generali subsint, & ut aliis Fratribus bonum præbeant exemplum Choro, & Divinis Officiis Diurnis, ac nocturnis, aliisque piis, & Religiosis exercitiis interesse debeant, ubique suavem Christi odorem præferentes.

§. 3. Ad hæc de infracriptorum Fratrum expresse professorum Ordinis prædicti fide, prudentia, integritate, charitate, vigilantia, & religionis zelo plurimum in Domino confisi, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa laicis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutos fore censentes, motu, scientia, & potestatis plenitudine paribus dilectos filios Josephum Solari Italum, Alphonsum a Sancto Claudio Gallum, Josephum Fuentes Hispanum, & Laurentium Correa Gama Lusitanum Fratres Ordinis præfati expresse professos pro quatuor nationibus hujusmodi in Consiliarios ejusdem Ordinis ad triennium proximum a data præsentium computandum, cum omnibus, & singulis prerogativis, facultatibus, privilegiis, ac honoribus, & oneribus prædictis tenore præsentium facimus, creamus, constituimus, & deputamus, necnon dilecto Filio moderno Priori Generali Ordinis prædicti similem Consiliarium enarratis qualitatibus prædictum juxta datam sibi a Domino pruden-

tiam pro natione Germana similiter creandi, & constituendi, illique moderno, & pro tempore existenti Priori Generali, si aliquis ex quatuor Consiliariis a Nobis sicut præmittitur, deputatis officium hujusmodi obire recuserit, vel nequiverit, alium in ejus locum substituendi, ac subrogandi; successivis vero, ac perpetuis futuris temporibus, postquam hi quinque Consilarii tempus suum abolverint, alios e dictis Nationibus Consiliarios eligendi, ac nominandi facultatem tribuimus, & impertimur.

§. 4. Decernentes ipsas easdem præsentis literas firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari, & ab eis respectivè inviolabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane si fecus super his a quoquam quavis auctoritate scienter, vel ignoranter contigerit attentari.

§. 5. Non obstantibus præmissis, ac Constitutionibus, & Ordinationibus Apostolicis, necnon quatenus opus sit, supradicti Ordinis, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentis, ad præmissorum effectum hac vice dumtaxat, specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die V. Aprilis MDCCXXVIII. Pontificatus Nostri Anno Quarto.

Conceditur Præfecto Generali Ordinis Bethlehemitarum in Indiis Occidentalibus jus convocandi Vocales ad Capitulum Generale, & in eo præsidendi.

Alia hujus Const. ed. 1725. Maij 4. P. 1. confirmata fuerunt quædam resolutiones Capituli Generalis ejusdem Congregationis, & Const. ed. 1728. Sept. 13. P. 5. nonnulla decernuntur in favorem præfate Congregationis.

BENEDICTUS PAPA XIII.

Ad futuram rei memoriam.

CUM sicut Dilecti Filii Definidores Generales Ordinis Bethlehemitarum in Indiis Occidentalibus Nobis nuper exponi fecerunt, in Constitutionibus ejusdem Ordinis auctoritate Apostolica approbatis, nulla expressa mentio fiat, quod Præfectus Generalis Ordinis hujusmodi facultatem convocandi Capitula Generalia, & in eis præsidendi habeat; ac proinde ipsi Exponentes opportune in præmissis a Nobis provideri, & ut infra indulgeri summopere desiderant; Nos ipsos exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa laicis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutos fore censentes, supplicationibus eorum nomine Nobis su-

Claustra.

CLXXIV.

Dat. 9. April. 1728. An. 4.

Expositio facti.

per

1728. Concessio predicti indulti.

per hoc humiliter porrectis inclinari, ut tam dilectus Filius modernus Praefectus Generalis dicti Ordinis, quam caeteri illius Successores proxime ab Officio expirantes; seu ad ultimum annum novennii sui Generalatus accedentes, perpetuum jus habeant convocandi Vocales ad Capitulum Generale pro novennio immediate sequenti, ac etiam praesidendi in eodem Capitulo Generali.

Provisiones nonnullae hac super re.

§. 1. Si vero intra Officii Generalatus novennium e vita decesserint, tunc Vicariatus Generalis spectet ad Praefectum, qui tunc temporis confirmatus existeret, & in actuali gubernio Hospitalis de Guatimala reperiretur; & casu quo Praefectus iste cum causa, vel sine causa de eo tempore confirmationem non obtinisset, Vicariatus Generalis praefatus transeat ad Assistentes Generales, & alios respective Vocales, qui sequuntur, servata semper eorum antianitate juxta dispositionem quarundam nostrarum litterarum desuper in simili forma Brevis die 4. Maji 1725. expeditarum, & Constitutiones praedicti Ordinis; Quatenus vero idem Praefectus Generalis ab humanis decedat in Regno Peruano, & electio fieri debeat in nova Hispania, tunc, & eo casu Assitens antiquior Peruanus Vocales tantum ejusmodi Regni Peruani convocet, ad hoc, ut sic facilius ad Capituli Generalis celebrationem faciendam in nova Hispania, intra unius anni terminum, ad formam earumdem Constitutionum concurrere possint; At decedente eodem Praefecto Generali in praedicta nova Hispania, tunc, & eo casu Capitulum Generale hujusmodi actualis Praefectus de Guatimala convocet, ac in eo praesideat auctoritate Apostolica tenore praesentium, concedimus, & indulgemus.

Clausula.

§. 2. Decernentes easdem praesentes, & praesertim litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quomodolibet spectabit, in omnibus, & per omnia plenissime suffragari, & ab eis respective inviolabiliter observari: Sicque, in praemissis per quoscumque Judices Ordinarios, & Delegatos etiam Caesarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus praemissis, ac Constitutionibus, & Ordinationibus Apostolicis, ac dicti Ordinis etiam Juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, indultis, & literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Fides habenda transumptis.

§. 4. Volumus autem, ut praesentium litterarum transumptis, seu exemplis etiam impressis, manu alicujus Notarii publici subscriptis, & sigillo personae in Ecclesiastica Dignitate constitutae munitis, eadem prorsus fides ubique locorum adhibeatur, quae adhiberetur ipsis praesentibus, si forent exhibitae, vel ostensa.

Datum Romae apud S. Petrum sub Annulo Piscatoris die IX. Aprilis MDCCXXVIII. Pontificatus Nostri Anno Quarto.

Confirmatur Decretum Congregationis Rituum pro concessione Recitandi in universo Ordine Praemonstratensi Officia Trium Sanctorum ejusdem Ordinis.

CLXXV.

De Confirmatione similis Decreti pro iisdem vide aliam hujus ed. 1728. Mar. 8. P. 4.

BENEDICTUS PAPA XIII.

Dat. 12. Apr. 1728. An. 4.

Ad futuram rei memoriam.

§. 1. Emanavit nuper ad supplicationem dilecti Filii Norberti Mattens Procuratoris Generalis Canonicorum Regularium Ordinis Praemonstraten. a Congregatione Venerabilium Fratrum Nostrorum Sanctae Romanae Ecclesiae Cardinalium Sacris Ritibus praepositorum Decretum, tenoris, qui sequitur, videlicet: Ad humillimas preces Patris Norberti Mattens Procuratoris Generalis Ordinis Praemonstraten. Sacrae Rituum Congregationi porrectas pro extensione Officiorum Sanctorum Evemodi, Isridi Episcoporum, ac Ludolphi Episcopi, & Martyris ejusdem Ordinis ad universum suum Ordinem, illasque relatas, Sacra eadem Rituum Congregatio, inherendo concessioni sub die 18. Octobris 1727. a Sanctissimo Domino Nostro Benedicto XIII. Monasterio Sinagiensi, ejusque Ecclesiae filiali Namburgensi facta, praedictorum Sanctorum Officia cum lectionibus secundi Nocturni propriis in universo praefato Ordine in posterum recitari posse benigne indulget, atque concessit, Die 20. Martii 1728. -- N. Cardinalis Coscia. N. M. Thedeshi Archiepiscopus Apamennus Sacrae Rituum Congregationis Secretarius.

Facti expositio.

Decr. praed.

§. 2. Cum autem, sicut dictus Norbertus Procurator Generalis Nobis nuper exponi fecit, ipse Decretum hujusmodi, quo firmiter subsistat, Apostolicae Confirmationis nostrae patrocinio communiri summopere desideret. Nos ipsum Norbertum Procuratorem Generalem specialibus favoribus, & gratis prosequi volentes, & a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decretum praesertim auctoritate Apostolica, tenore praesentium approbamus, & confirmamus, illique inviolabilis Apostolicae firmitatis robur adjicimus; salva tamen semper in praemissis auctoritate memoratae Congregationis Cardinalium.

Preces Procuratoris Gen.

Confirmatio relati Decreti.

Clausula.

§. 3. Decernentes easdem praesentes litteras firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quandocumque spectabit in omnibus, & per omnia plenissime suffragari: Sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, caeterisque contrariis quibuscumque.

Datum Romae apud S. Petrum sub Annulo Piscatoris die XII. Aprilis MDCCXXVIII. Pontificatus Nostri Anno IV.